

Tej nroj tsuag hav dej tuaj tuab ntwis ua mob tau

Caij ntuj sov hauv Minnesota: thaum tsis paub tseeb, zoo dua tsis txhob mus hauv!

Thaum huab cua kub sov heev thiab lub hnub ci lam lug, zoo sijhawm rau tej pas dej teev hauv Minnesota txawm tuab ntwis tej nroj tsuag hav dej ntsuab xiab, ib txhia yuav ua mob tau rau tsiaj yug hauv tsev thiab tibneeg.

Tej nroj tsuag hav dej ntsuab xiab yog dabtsi?

Tej nroj tsuag hav dej ntsuab xiab yeej tsis yog nroj tsuag hlob li, tiamsis yog cov npes taws lias (bacteria) hu ua cyanobacteria uas yeej ib txwm muaj nyob hauv tej pas dej teev. Hom npes taws lias no loj hlob zoo heev hauv tej pas dej uas sov thiab tej khoom noj zoo yug tau lawv hauv cov dej. Thaum zoo caij zoo nyoo, cov npes taws lias no txawm tuaj tuab ntwis sai kawg.

Cov nroj tsuag hav dej ntsuab xiab tuaj tuab ntwis zoo li cas?

Feem ntau, tej nroj tsuag hav dej ntsuab xiab tuaj tuab ntwis zoo li cov kua taum ntsuab zom lossis cov xim ntsuab tha tsev uas muab ua nchuav lawm. Tiamsis, cov nroj tsuag tuaj tuab ntwis yuav tsis tuab ntwis tas li xwb tiamsis kuj muaj tej plooj me me nyob rau tej qho chaw ntawm pas dej teev thiab. Thaum cov keeb hauv cov nroj tsuag tawg, cov nroj tsuag uas txawm hlob ntawd tso tau ib co pa tsw ntshiab.

Tej nroj tsuag hav dej tuaj tuab ntwis ua mob tau yog dabtsi?

Thaum cov nroj tsuag hav dej ntsuab xiab txawm tuab ntwis tuaj, nws tsim tau ib co kuab cyanotoxins uas ua rau tibneeg thiab tsiaj mob tau. Feem ntau, nroj tsuag yeej tsis ua mob.

Pas dej teev uas muaj nroj tsuag ntsuab xiab tuaj tuab ntwis



Nroj tsuag hav dej ntsuab xiab tuab heev



Tej nroj tsuag hav dej tuaj tuab ntws ua mob tau tshwm sim li cas?

Cov nroj tsuag hav dej ntsuab xiab nyiam tej hnuv uas sov, ntsiag to, hnuv ci thiab dej uas sov tshaj li 75 °F. Cov nroj tsuag hav dej tuaj tuab ntws txawm los thaum caij ntuj so thiab thaum nplooj ntoos pib zeeg, tiamsis kuj txawm tuaj ib puag ncig lub xyoo yog tias zoo caij nyoog.

Cov nroj tsuag hav dej tuaj tuab ntws ua mob tau nyob rau qhov twg?

Tej nroj tsuag hav dej ua mob tau nyob txhua qhov chaw hauv Minnesota, tiamsis loj hlob zoo heev nyob rau tej pas dej teev uas sov, tsis tob, thiab muaj khoom noj zoo yug tau lawv hauv cov dej. Feem ntau, nrhiav tau lawv nyob ntawm ntug hav dej lossis ntug hiavtxwv.

Yuav tsim tau tej yam mob zoo li cas?

Koj mob tau yog tias koj nqos, daim tawv nqaij chwv nrog, lossis hnia tau cov pa dej thaum ua luam dej, caij nkoj, waterskiing, plab yas saum dej, lossis da dej nrog ib co dej uas twb muaj cov nroj tsuag hav dej ua mob tau nyob rau hauv lossis koj haus tau cov dej uas muaj kuab nroj tsuag nyob rau hauv. Yog tias koj pib mob tuaj, tej tsos mob uas koj yuav mob muaj xws li ntuav, raws plab, nqaij ua pob xoo, qhov muag meem txom, hnoos, txhaws qa, thiab mob taub hau. Tej tsos mob pib tshwm sim ob peb xaub moos mus rau 2 hnuv tom qab mus raug cov nroj tsuag no.

Nroj tsuag hav dej ua mob tau nyob ntawm ntug dej



Puas ua mob tau rau tsiaj?

Tej tsiaj yug hauv tsev, tshwj xeeb yog aub, yuav raug mob hnyav dua vim tias lawv nqos dej ntau dua thaum ua luam dej thiab ua lwm yam kis las xws li mus nqa lub pob uas muab cuam rau hauv dej lawm. Lawv kuj yuav tsis khes txog cov dej ntsuab uas tsw ntshiab thiab muaj cov nroj tsuag hav dej ua mob tau nyob rau hauv. Tej tsiaj uas mus raug yuav hnov mob kiag tam sim uas raug cov kuab. Tej tsos mob uas lawv muaj yog xws li ntuav, raws plab, qaug zog, ua pa nyuaj, thiab nriaj tes nriaj taw. Ib txhia tsiaj kuj tau tag sim neej lawm thiab. Yog tias koj tus tsiaj raug tej tsos mob no tom qab mus raug cov nroj tsuag hav dej no, tiv tauj koj tus tsiaj tus kws kho mob.

Kuv yuav ua li cas yog tias kuv pom muaj cov nroj tsuag hav dej ntsuab xiab no nyob ntawm cov dej kuv haus?

Zam tsis txhob siv tej dej hauv pas dej teev lossis hav dej los haus, ua noj, thiab txhuam hniav, tshwj xeeb yog menyuam mos ab thiab menyuam yaus. Muab cov dej rhaub kom kub npau yuav tsis tua tau cov kuab thiab tseem ua kom muaj kuab ntiv xwb. Muab cov dej ntawd lim ib zaug xwb los kuj yuav tsis zoo, vim tias yuav tsum lim ntau tom mam li rhuav tshem tau cov kuab nroj tsuag.

Cov dej ntawd muab siv ntxuav tes, da dej, ntxuav tais diav, lossis ntshua khaub ncaws los tau, tiamsis kuj yuav ua rau nqaij tawv meem txom. Yuav tsum saib ntsoov menyuam yaus thaum da dej kom lawv thiaj li tsis nqos dej. Tom qab da dej tag, yuav tsum muab cov dej uas tsis tau tsuas los yang nqaij tawv thiab tej khoom uas menyuam siv (xws li lub looj ncauj hniav rau mos liab, txiv mis, raj mis, khoom ua si, diav tsawg).

Kuv yuav ua li cas yog kuv pom cov nroj tsuag hav dej tuaj tuab ntws?

Yeej tsis paub tseeb tias cov nroj tsuag hav dej ntsuab xiab tuaj tuab ntws yuav ua mob tau yog tias tsuas pom ntawm qhov muag xwb. Cov neeg laus, menyam yaus, thiab tsiaj yuav tsum zam tsis txhob mus kov cov dej uas muaj nroj tsuag hav dej ntsuab xiab. Thaum cov nroj tsuag hav dej ntsuab xiab tsis tuaj tuab ntws lawm los yeej tseem ua mob, vim tias cov kuab yeej tseem nyob rau hauv cov dej tab txawm tias qhov tuaj tuab ntws ntawd ploj lawm. Saib ntsoov cov dej seb puas pom muaj cov nroj tsuag hav dej tuaj tshiab, xws li cov npuas dej ntsuab ntawm ntug dej thiab txwv tsis pub tej tsiaj yug hauv tsev noj cov dwb daim yaj tag uas los ntawm cov nplaim dej ntws ntawm ntug. Thaum tsis paub tseeb, zoo dua tsis txhob mus hauv! Yog tias koj lossis koj tus tsiaj yug hauv tsev mus tau rau hauv cov dej uas muaj cov nroj tsuag hav dej tuaj tuab ntws, kav tsij muab cov dej huv los yaug ib ce kiag tam sim.

Minnesota Pollution Control Agency
520 Lafayette Road N
St. Paul, MN 55155
651-296-6300 or 1-800-657-3864
www.pca.state.mn.us

Minnesota Department of Health
PO Box 64975
St. Paul, MN 55164
651-201-5414 or 1-877-676-5414
www.health.state.mn.us